

u partnerstvu sa Općinom Tešanj

## **Izveštaj o održanom mentorskom sastanku u okviru Javnog poziva za predaju projektnih prijedloga u sklopu projekta Regionalni program lokalne demokratije na Zapadnom Balkanu (ReLOaD) u općini Tešanj**

U okviru Javnog poziva za organizacije civilnog društva/nevladine organizacije za predaju prijedloga projekata koji se organizuje u sklopu projekta „Regionalni program lokalne demokratije na Zapadnom Balkanu“ (ReLOaD)<sup>1</sup> u saradnji sa Općinom Tešanj, u ponedjeljak, 20. maja 2019. godine u trajanju od 10.00 do 12.30 sati održan je drugi od četiri planirana mentorska sastanka za zainteresovane predstavnike organizacija civilnog društva (OCD).

Zainteresovani predstavnici OCD bili su blagovremeno informisani o terminu održavanja mentorskog sastanka koji je objavljen na zvaničnoj internet stranici Općine Tešanj (<http://www.opcina-tesanj.ba>).

Sastanku je, pored mentora i predstavnika UNDPa, prisustvovalo ukupno pet predstavnika OCD iz pet OCD (pet muškaraca). Na početku mentorskog sastanka učesnicima je još jednom pojašnjena uloga mentora, naglašavajući da je jedina uloga mentora da ukaže na greške, objasni nedoumice i otkloni dileme, ali da ne učestvuje u rješavanju istih. Mentor nema mandat da se direktno uključuje u izradu projektnog prijedloga, te u cilju osiguranja i primjene transparentnog pristupa realizacija mentorstva po principu „jedan na jedan“ nije dozvoljena, tačnije prisustvo mentora i jednog predstavnika jedne OCD nije moguće. U toku trajanja javnog poziva, planirana su maksimalno četiri mentorska sastanka, a obzirom da postoji zainteresovanost predstavnika organizacija civilnog društva za ovakav vid podrške, dogovoreni su termini za održavanje narednih mentorskih sastanaka.

Mentorica je na početku svoje prezentacije naglasila važnost dosljedne pripreme dokumentacije za predaju projektnih prijedloga, te da je neophodno da osnovni dokumenti budu u međusobnoj korelaciji i logičkoj vezi.


Obzirom da je bilo predstavnika OCD koji po prvi put učestvuju na mentorskom sastanku, mentorica je ponovila osnovne kriterije za dodjelu sredstava po ovom javnom pozivu i više puta naglasila da projekti moraju tematski odgovarati definisanim prioritetima općine Tešanj, sadržanim u Razvojnoj strategiji.

Učesnici su iznijeli problem tehničke prirode vezano za izgled dokumenata iz aplikacionog paketa. Naime, dešavalo im se da dokumenta koja su preuzeli sa zvanične stranice općine Tešanj (formulari za izradu projektnog prijedloga sa pratećim aneksima) ne sadrže kompletan logo projekta, te izrazili zabrinutost u vezi prihvatanja takve aplikacije. Mentorica je potvrdila da nije dozvoljeno mijenjati izgled dokumenta, ali će se skrenuti pažnja na ovaj problem, te projekti zbog same margine zaglavljaja neće biti diskvalifikovani iz procesa selekcije, što je potvrdila i predstavnica UNDPa.

Pitanja koja su postavljali učesnici, odnosila su se i na mogućnost angažovanja osoba koje su zaposlene u institucijama čiji je osnivač općina. Razjašnjeno je da osobe koje su zaposlene puno radno vrijeme u općini ne mogu biti angažovane na projektu, zbog sukoba interesa. Međutim, stručna lica zaposlena u lokalnim institucijama, mogu biti angažovana za povremene poslove u svoje slobodno vrijeme.

---

<sup>1</sup>Regionalni program lokalne demokratije na Zapadnom Balkanu (ReLOaD) finansira Evropska unija (EU), a provodi Razvojni program Ujedinjenih naroda (UNDP).



Takođe, više puta je naglašeno da jedna osoba može biti angažovana na projektu samo u jednom svojstvu, te skrenuta pažnja potencijalnim aplikantima da povedu računa o tome.

Bilo je takođe i pitanja vezano za vrste troškova u budžetu, pa je objašnjeno da prevod projekta (za one projekte koji budu odobreni) može da bude plaćen i da takav trošak spada u direktne projektne troškove. Pored toga, skrenuta je pažnja da su troškovi bankarske provizije administrativni troškovi i da se tako vode prilikom budžetiranja.

Objašnjeno je i na koji način je moguće platiti putne troškove, odnosno da će za nadoknadu goriva biti neophodan putni nalog kojim se potvrđuje da je trošak nastao u okviru projektnih aktivnosti.

Više puta je naglašeno da aplikanti obrate pažnju na preciznost informacija koje daju i da kvantifikuju rezultate i indikatore koliko je moguće detaljno i precizno.

Na kraju sastanka učesnici su popunili evaluacione obrasce i veoma se pozitivno izjasnili o održanom sastanku. Detaljna analiza evaluacionih obrazaca biće sastavni dio finalnog izvještaja za opštinu Tešanj.

Dogovoreno je da **treći sastanak** bude održan **24.5.2019. u 10:00 sati**, a **četvrti sastanak**, **28.5.2019. u 10:00 sati**. Termini će biti objavljeni na službenoj stranici općine kako bi što veći broj zainteresovanih predstavnika OCD prisustvovao ovim sastancima. Zainteresovani učesnici svoje prijave za mentorsku sesiju mogu dostaviti na e-adresu [nedzad.unkic@opcina-tešanj.ba](mailto:nedzad.unkic@opcina-tešanj.ba).

.